

BULETIN YAYASAN SELANGOR

MERAKYATKAN PENDIDIKAN SELANGOR



JILID 2
MEI - OGOS 2018



SAMBUTAN MALAM AMBANG MERDEKA NEGARA 2018

KONTINJEN YAYASAN SELANGOR RAJAH NAIB JOHAN (KATEGORI GLC / SWASTA)

SHAH ALAM, 30 Ogos 2018. Kontinjen Yayasan Selangor dengan kekuatan seramai 45 orang dikalangan kakitangan telah menyertai Perarakan Sempena Sambutan Kemerdekaan Negara Kali Ke-61 peringkat Negeri Selangor. Acara tahunan tersebut telah berlangsung di Dataran Kemerdekaan Shah Alam dan telah dirasmikan oleh Dato' Menteri Besar Selangor iaitu Y.A.B. Tuan Amirudin Shari. Pada edisi kali ini, Kontinjen Kawad Yayasan Selangor telah meraih kedudukan naib johan kawad kaki bagi kategori GLC / Swasta.

Karnival Sukan Asrama
Yayasan Selangor 2018 m/s 3

Lawatan Ilmiah Ke Galeri
Diraja Sultan Abdul Aziz &
Istana Alam Shah m/s 16

MAJLIS
ANUGERAH
KECEMERLANGAN
PENDIDIKAN
YAYASAN SELANGOR 2017

m/s 10-11



Perutusan

PEMANGKU PENGURUS BESAR



Assalamualaikum Dan Salam Sejahtera.

Alhamdulillahi Rabbil'alamin, saya panjatkan kesyukuran kehadirat Allah S.W.T kerana dengan limpah inayahNya, kita terus utuh bersemangat untuk berbakti dan berkhidmat demi membangunkan organisasi Yayasan Selangor yang ditubuhkan dengan tujuan untuk membina modal insan yang holistik khususnya di negeri Selangor Darul Ehsan. Setinggi-tinggi ucapan tahniah saya ucapkan buat barisan ahli Sidang Redaksi Buletin Yayasan Selangor bagi jilid kedua tahun 2018 yang sentiasa komited dalam menghasilkan buletin ini untuk dijadikan sebagai wadah nukilan bagi setiap penganjuran program dan aktiviti yang telah dijalankan.

Sepanjang pertengahan tahun 2018, pelbagai program yang dilaturkan telah berjaya dilaksanakan dengan sempurna. Antaranya ialah Majlis Anugerah Kecemerlangan Pendidikan Yayasan Selangor 2017 iaitu siri pertama pada 21 Julai 2018 bertempat di Intekma Resort, Shah Alam dan siri kedua pada 4 Ogos 2018 bertempat di Tingkat 9, Menara Yayasan Selangor, Petaling Jaya. Majlis tersebut dilangsungkan bagi menganugerahkan dan meraikan kecemerlangan para pelajar daripada 65 buah sekolah di bawah Rancangan Khas Pendidikan tajaan Yayasan Selangor. Penganugerahan ini merangkumi kecemerlangan akademik di peringkat sekolah rendah (UPSR), sekolah menengah (PT3 & SPM) dan pengajian tinggi (Ijazah). Tambahan pula, Majlis ini turut mengiktiraf sumbangan para guru dan pihak sekolah yang menjadi pemangkin kecemerlangan pendidikan di Yayasan Selangor. Pencapaian pelajar pada tahun 2017 amat membanggakan dengan peningkatan sebanyak 8.5% berbanding pencapaian tahun 2016. Peningkatan tersebut merangkumi aspek kualiti dan jumlah pencapaian pelajar mendapat 9A dan ke atas di dalam peperiksaan SPM. Justeru, saya amat berbangga dengan pencapaian akademik para pelajar yang terus menerus cemerlang dan diharapkan peningkatan ini akan terus dicapai di masa akan datang.

Selain itu, pada 30 Ogos 2018, Kontinen Yayasan Selangor telah menyertai perarakan dan perbarisan sempena Sambutan Ambang Merdeka Negara Peringkat Negeri Selangor yang dilangsungkan bertempat di Dataran Kemerdekaan, Shah Alam. Syukur Alhamdulillah dan sekalung tahniah saya ucapkan buat para kontinen yang terdiri daripada penyertaan seramai 45 orang staf yang mengambil bahagian dan komited, sekaligus berjaya memperoleh naib johan perarakan dan perbarisan tersebut di bawah kategori GLC / Swasta. Saya berasa amat kagum dengan segala usaha dan komitmen yang diberikan oleh para kontinen dan urusetia yang telah berusaha gigih demi memastikan segala usaha melibatkan persiapan, latihan kawad telah membawakan hasil dengan kejayaan yang dikecapi.

Di ruangan ini juga, saya ingin menukilkan coretan khas kepada warga kerja Yayasan Selangor agar terus berbakti dengan penuh setia, dengan komitmen yang tinggi dan sentiasa menanamkan niat ikhlas dalam menjalankan tugas yang telah diamanahkan. Akhir kata, saya juga berharap agar Yayasan Selangor ini terus maju ke hadapan dan menjadi satu organisasi yang disanjungi oleh masyarakat.

Sekian, Wassalam.

"MERAKYATKAN PENDIDIKAN SELANGOR"

EDITOR

En. Mohamed Hazani bin Norain



PEREKA GRAFIK

En. Mohd Sharifq bin Kartikaens
Cik. Noorsaikir Irini Ishaqroenz

PENGARANG

En. Abdul Halim bin Abdul Hafiz
En. Muhammed Nozri bin Musa
Pn. Norasiah binti Azari
Pn. Norlida binti Razuddin
En. Zainuri bin Jarifeh
En. Perikol bin Idris
En. Muhammed Amin bin Abd Wahab
En. Muhammed Nur Waleh bin Badrulzaman
En. Ahmad Paesand bin Irmadi
Pn. Zarina binti Kamareddin
En. Khadiqah binti Abu Yusuf

KETUA PENGARANG

En. Zeinil bin Sulaiman

JURUFOTO

En. Nor Atiqah bin Sulaiman



KARNIVAL SUKAN ASRAMA YAYASAN SELANGOR 2018

SABAK BERNAM, 06 - 07 Julai 2018, Bahagian Hal Ehwal Pelajar dan Asrama Yayasan Selangor Sabak Bernam (AYSSB) telah melaksanakan Karnival Sukan Asrama Yayasan Selangor (KSAYS) 2018 di Asrama Yayasan Selangor Sabak Bernam pada 6 hingga 7 Julai 2018.

Pada kejohanan kali ini, warga kerja mewakili Persatuan Kebajikan, Sukan, Kebudayaan Kakitangan Yayasan Selangor (PKSKKYS) telah dijemput menyertai beberapa acara yang dipertandingkan bagi memeriahkan program. Selain itu, sekolah-sekolah tajaan RKPYS Yayasan Selangor di daerah Sabak Bernam turut diundang iaitu wakil dari SMK Ungku Aziz, SMK Sungai Besar, SMK Bagan Terap dan SMK Munshi Abdullah.

Karnival sukan pada kali ini telah dirasmikan oleh ADUN Sabak iaitu Y.B. Tuan Mustain Bin Othman. Karnival sukan ini akan diteruskan oleh Asrama Yayasan Selangor Klang yang akan menjadi tuan rumah pada edisi tahun hadapan. Penyertaan juga mungkin akan dibuka kepada sekolah-sekolah tajaan RKPYS yang lain untuk memeriahkan lagi kejohanan ini pada masa akan datang.



PERARAKAN SEMPENA SAMBUTAN KEMERDEKAAN NEGARA 2018

SHAH ALAM, 30 Ogos 2018, Kontinjen Yayasan Selangor dengan kekuatan 45 anggota kakitangan pelbagai jawatan telah meraih Naib Johan bagi kategori GLC/Swasta dalam Pertandingan Kawad Sempena Perarakan Malam Ambang Merdeka Peringkat Negeri Selangor 2018. Sambutan Kemerdekaan kali ke - 61 Peringkat Negeri Selangor ini telah disempurnakan oleh **Y.A.B Tuan Amirudin Shari, Dato' Menteri Besar Selangor.** Acara pada malam tersebut diserikan dengan pelbagai pertunjukan antaranya ialah aksi lagak ngeri motorsikal dari kumpulan "The Red Warrior", persembahan

Kawad Senyap dari Kontinjen Tentera Laut Diraja Malaysia dan persembahan penampilan khas oleh artis terkenal iaitu Hael Husaini. Para hadirin turut disajikan dengan pertunjukan bunga api pada tepat jam 12.00 tengah malam dirangi dengan nyanyian lagu patriotik bertemakan 'Sayangi Malaysiaku' yang mencetuskan suasana yang penuh ceria dan gemilang.



PROGRAM TEMUDUGA PINJAMAN PELAJARAN YAYASAN SELANGOR PERINGKAT DIPLOMA DAN IJAZAH SESI 1 TAHUN 2018 / 2019

PETALING JAYA, 11 - 12 Ogos 2018, Yayasan Selangor melalui Bahagian Pembiayaan Pendidikan telah menjalankan Program Temuduga Pinjaman Pelajaran Yayasan Selangor Peringkat Diploma Dan Ijazah Sesi 1 Tahun 2018 / 2019. Program temuduga tersebut telah dijalankan selama 2 hari iaitu pada 11 dan 12 Ogos 2018 dan berlangsung di Dewan Tingkat 9 Menara Yayasan Selangor Petaling Jaya. Seramai 10 orang pegawai telah dilantik dan dipertanggung jawabkan sebagai panel penemuduga.

Proses temuduga telah bermula seawal jam 09.00 pagi dan sambutan terhadap program temuduga tersebut amat menggalakkan dengan kehadiran seramai 317 orang pelajar. Calon – calon temuduga terdiri daripada pelajar yang telah mendapat tawaran kemasukan ke Institusi Pengajian Tinggi Awam dan Swasta (IPTA / IPTS) dalam negara dan pelajar yang sedang berada di dalam tempoh pengajian.



MAJLIS PENYERAHAN BAS BAHARU YAYASAN SELANGOR

KLANG, 16 Ogos 2018, Majlis penyerahan bas baharu Yayasan Selangor daripada pihak Syarikat Hino telah diadakan di Asrama Yayasan Selangor Klang. Pengurusan Yayasan Selangor membeli bas baharu tersebut untuk menampung keperluan bagi urusan membawa pelajar-pelajar asrama pusat untuk ke sekolah dan juga ke program-program pendidikan.



SUKAN TAHUNAN AYSK 2018



KLANG, 22 Julai 2018, Asrama Yayasan Selangor Klang (AYSK) telah mengadakan Sukan Tahunan 2018. Program ini bertujuan memupuk semangat kesukanan di kalangan pelajar asrama. Pelbagai acara telah dipertandingkan seperti Badminton, Ping Pong, Futsal, Bola Jaring, Pertandingan Perbarisan Rumah Sukan, Pertandingan 'Cheer Leading' dan sukaneka.



MAJLIS SAMBUTAN AIDILFITRI ASRAMA YAYASAN SELANGOR

Sempena sambutan Aidilfitri, dua asrama Yayasan Selangor iaitu Asrama Yayasan Selangor Klang (AYSK) dan Asrama Yayasan Selangor Sabak Bernam (AYSSB) telah mengadakan sambutan tersebut bagi meraikan pelajar-pelajar tajaan Yayasan Selangor.

Majlis anjuran AYSK telah dilangsungkan pada 29 Jun 2018 bertempat di Laman Kayangan, Shah Alam. Manakala bagi AYSSB telah dijalankan pada 2 Julai 2018 bertempat di Dewan Besar AYSSB.



PROGRAM ASRAMA SEMPENA SAMBUTAN KEMERDEKAAN NEGARA

KLANG, 13 Ogos 2018 – 07 September 2018, Satu program sempena sambutan kemerdekaan negara telah diadakan di Asrama Yayasan Selangor Klang (AYSK) bermula pada 13 Ogos 2018 hingga 7 September 2018. Objektif program ini adalah untuk mendidik generasi muda agar menghayati erti kemerdekaan seterusnya

menyayangi negara Malaysia yang tercinta. Pengisian program ini terdiri daripada program gotong royong merdeka, Pertandingan Kuiz, Pertandingan Menghias Kelas dan Pertandingan Nyanyian Lagu-Lagu Patriotik.



KUNJUNGAN HORMAT PENGURUSAN AYSK

PETALING JAYA, 07 Mei 2018, Di sepanjang bulan Mei hingga Jun, Pengurusan Asrama Yayasan Selangor Klang (AYSK) telah mengadakan kunjungan hormat ke 6 buah sekolah yang menempatkan pelajar-pelajar Yayasan Selangor. Tujuan program ini adalah bagi mengeratkan silaturahim di antara pihak sekolah dan asrama di samping membincangkan perkembangan dan prestasi pelajar di sekolah-sekolah berkenaan.



PENYERTAAN PERTANDINGAN DEBAT & PIDATO PERINGKAT KEBANGSAAN

SEPANG, 4 – 6 Mei 2018, Pasukan Debat AYSK telah menyertai Pertandingan Debat & Pidato Peringkat Kebangsaan yang telah diadakan di SAM Salak Tinggi, Sepang. Penyertaan ini telah memberi pendedahan kepada peserta agar berani dan yakin dalam menyampaikan fakta dan maklumat dengan tepat dan bernes.



PERSEMBAHAN KUMPULAN GAMELAN AYSK PADA MAJLIS ‘CHARITY NITE 2018’



SHAH ALAM, 18 Ogos 2018, Kumpulan gamelan Asrama Yayasan Selangor Klang (AYSK), Gemersik Perunggu telah menerima jemputan untuk mengadakan persembahan dalam Majlis Charity Nite 2018 anjuran PIBG SMK(L) Methodist, Klang (ACS) sempena sambutan Ulangtahun ke- 125 sekolah berkenaan di Shah Alam. Majlis ini telah dirasmikan oleh Y.A.B. Dato' Menteri Besar Selangor. Alunan muzik gamelan yang dimainkan telah berjaya menarik perhatian serta menerima penghargaan tinggi daripada tetamu dan pihak pengajur.




PROGRAM BENGKEL FOLIO SEJARAH



KLANG, 04 Mei 2018, Unit Akademik AYSK telah melaksanakan Program Bengkel Folio Sejarah kepada semua pelajar Tingkatan 3 yang akan menghadapi PT3 tahun ini. Dalam program ini pelajar telah diberi bimbingan untuk melengkapkan folio dengan kaedah dan teknik yang betul oleh guru bimbingan yang dijemput khas.

PROGRAM LAWATAN KE PESTA BUKU PWTC



KUALA LUMPUR, 01 Mei 2018, Pelajar Asrama Yayasan Selangor Klang (AYSK) daripada Tingkatan 1 hingga 5 telah berpeluang mengunjungi Pesta Buku di Pusat Dagangan Dunia Putra, Kuala Lumpur. Lawatan ini bertujuan memberi pendedahan kepada pelajar mengenai pelbagai bentuk ilmu dan bahan-bahan bacaan yang sangat berguna kepada pelajar di samping pengetahuan mengenai peluang kerjaya di masa hadapan.

MAJLIS

ANUGERAH KECEMERLANGAN PENDIDIKAN 2017

YAYASAN SELANGOR



Majlis Anugerah Kecemerlangan Pendidikan Yayasan Selangor (AKPYS) Tahun 2017 telah dijalankan sebanyak dua sesi iaitu pada 21 Julai 2018 di Intekma Resort & Convention Centre Shah Alam dan sesi dua pada 4 Ogos 2019 bertempat di tingkat 9, Menara Yayasan Selangor Petaling Jaya. Majlis AKPYS bagi sesi pertama telah dirasmikan oleh En. Zafrullah Bin Aris, Yang mewakili YB Prof. Dr. Shaharuddin Bin Badaruddin, Pengurusi Jawatankuasa Pendidikan dan Pembangunan Insan, Yayasan Selangor. Sementara Majlis AKPYS untuk sesi kedua telah dirasmikan oleh Pengarah Jabatan Pendidikan Negeri Selangor iaitu Yang Berbahagia Tuan Haji Salleh Bin Mohd Kassim.



Sekolah Agama Menengah Bestari, Subang Jaya telah dinobatkan sebagai Sekolah Terbaik Rancangan Khas Pendidikan Yayasan Selangor (RKPYS) sementara Sekolah Menengah Damansara Damai 1 telah dipilih sebagai Sekolah Menengah Terbaik HIPERS dan Sekolah Kebangsaan Sungai Merab Luar pula dipilih sebagai Sekolah Rendah Terbaik HIPERS.

Jumlah keseluruhan penerima anugerah bagi edisi kali ini adalah berjumlah 189 dari pelbagai kategori. Amir Haziq Bin Mohd Zulkurnain dari MITS Kuala Langat telah dinobatkan sebagai Pelajar Terbaik Keseluruhan.

Majlis AKPYS 2017 diserikan dengan persembahan Koir dan Gamelan dari pelajar Asrama Yayasan Selangor Klang serta persembahan lompat tali oleh pelajar Asrama Yayasan Selangor Sabak Bernam.



PROGRAM SAMBUTAN IHYA' RAMADAN 1439H WARGA KERJA YAYASAN SELANGOR 2018

Bersempena bulan Ramadan Al Mubarak 1439H, Unit Sumber Manusia telah menganjurkan pelbagai aktiviti disepanjang bulan tersebut antaranya:

- Majlis Pelancaran Program Ihya' Ramadan 1439H & Sumbangan Kurma daripada PKSKKYS
- Tadarus Al-Quran warga kerja Yayasan Selangor Selama 30 minit setiap pagi di Sepanjang bulan Ramadan 1439H
- Program Tahlil & Bacaan Yassin
- Tausiyah Nur Ramadan 1439H
- Pertandingan Gegar Qasidah @YS
- Majlis Khatam Al-Quran Majlis Perasmian Penutup Program Ihya' Ramadan 1439H dan Sumbangan Hari Raya kepada Warga Kerja Yayasan Selangor

Bulan Ramadan adalah medan untuk kita berlumba-lumba untuk mengejar pahala semaksima mungkin kerana setiap kebaikan yang kita kerjakan pasti akan diganjar dengan pahala yang berlipat kali ganda. Kemuncak program bersama warga kerja pada bulan Ramadan adalah Majlis Berbuka Puasa anjuran Bahagian Komunikasi Korporat bersama Unit Sumber Manusia yang telah berlangsung pada 1 Jun 2018 bertempat di Dewan Besar Tingkat 9, Menara Yayasan Selangor.

Sebelum waktu berbuka puasa, Majlis turut dihidangkan dengan slot forum tazkirah yang bertajuk "**Ada! Tapi Tiada**" disampaikan oleh dua ahli panel jemputan iaitu **Ustaz Zulkifli Ahmad (Ustaz Zul Pandan)** dan **Ustazah Nur Hidayu Mohd Kamil (Da'T Hidayu)**.



Tajuk forum ini adalah berkaitan dengan individu yang manis mulutnya, petah kata-katanya dan banyak luahannya namun hasilnya umpama tin kosong, bilamana ia dijentik kuat berbunyi bila ditendang makin nyaring bunyinya. Dalam masa yang sama panel jemputan turut mengupas berkaitan politik pejabat serta kaedah untuk mengembalikan suasana kerja yang lebih kondusif mengikut pandangan islam.

Setelah selesai slot forum takzirah dan waktu berbuka puasa, warga kerja turut menunaikan solat Maghrib, Isyak dan juga tarawikh secara berjemaah. Majlis diakhiri dengan jamuan moreh yang disediakan kepada warga kerja Yayasan Selangor.

MAJLIS JALINAN MESRA AIDILFITRI YAYASAN SELANGOR 2018



PETALING JAYA, 05 Julai 2018, Sempena Bulan Syawal 1439H, Yayasan Selangor telah menganjurkan Majlis Jalinan Mesra Aidilfitri yang dijayaikan di Dewan Besar Tingkat 9, Menara Yayasan Selangor Petaling Jaya. Majlis yang dianjurkan pada setiap tahun ini telah dihiasi dengan pelbagai juadah hidangan disediakan untuk seluruh warga kerja Yayasan Selangor dan juga tetamu-tetamu luar yang hadir termasuk di kalangan penyewa-penyewa di Menara Yayasan Selangor yang turut hadir mewarnai majlis. Pihak Yayasan Selangor sangat berbesar hati di atas kesudian beberapa Ketua Jabatan dibawah Kerajaan Negeri Selangor yang hadir memeriahkan majlis yang bermula pada pukul 11.00 pagi sehingga 3.00 petang.

Kemuncak majlis disambut dengan ketibaan tetamu VVIP iaitu **YAB Tuan Amirudin Shari, Dato' Menteri Besar Selangor** yang turut hadir bagi memeriahkan sambutan jamuan raya bagi edisi kali ini. Majlis diserikan dengan persembahan nyanyian daripada beberapa kakitangan Yayasan Selangor yang mendendangkan lagu-lagu raya sekali gus mencetuskan kemeriahan suasana majlis.



PELAJAR SPM 2017 MEMENANGI RM5,000.00 MENERUSI TUISYEN PERCUMA ATAS TALIAN YAYASAN SELANGOR

Sepanjang tahun 2017, Program Tuisyen Percuma Atas Talian (*Free Tuition Online*) telah giat dipromosikan kepada calon-calon SPM 2017 di negeri Selangor demi memberi kemudahan pembelajaran yang lebih efektif sejajar dengan perkembangan teknologi pada masa ini. Program tersebut adalah anjuran Kerajaan Negeri Selangor yang dikendalikan oleh Yayasan Selangor dengan kerjasama pihak ITTV Education. Ganjaran bernilai **RM5,000.00** diberikan kepada 5 orang pelajar yang berjaya memenuhi kriteria yang telah ditetapkan.

Setelah keputusan Sijil Pelajaran Malaysia (SPM) bagi tahun 2017 diumumkan, Yayasan Selangor bersama ITTV

Education telah menyenaraikan pendek beberapa pelajar yang berjaya memperoleh keputusan cemerlang di dalam SPM 2017 dan mereka juga adalah di kalangan pengguna tegar produk Tuisyen Percuma Atas Talian (*Free Tuition Online*). 5 orang pelajar yang telah dipilih untuk menerima ganjaran tersebut adalah Ng Kai Wei (SMK Methodist Telok Datok, Banting), Nor Adila Adha Binti Saadon (SAMT Sultan Hisamuddin), Chee Pui Khei (SMK Puchong Utama 1), Tinesh A/L Selvam (SMK Methodist Telok Datok, Banting) dan Nur Fatin Binti Abdullah (SMK Bandar Utama Damansara 4). Majlis simbolik penyerahan mock up check ganjaran telah diserahkan pada 21 Julai 2018 bertempat di Intekma Resort & Convention Centre Shah Alam. Tahniah diucapkan!



PROGRAM INISIATIF KEMAHIRAN TEKNIKAL DAN IKTISAS SMART SELANGOR (IKTISASS) TAHUN 2018

SHAH ALAM, 30 Julai 2018, Yayasan Selangor telah dijemput ke Taklimat Bantuan Serta Peluang Pengajian Tinggi dan Program Inisiatif Kemahiran Teknikal dan IKTISASS Smart Selangor. Taklimat dan program tersebut adalah berkaitan pendidikan kemahiran percuma yang diumumkan pada pembentangan bajet tahun 2018 dan hadiah pengajian tinggi (HPIPT) kepada anak Selangor yang berkelayakan untuk menyambung pengajian di Institusi Pengajian Tinggi (IPT). Program dianjurkan oleh Bahagian Pengurusan Sumber Manusia, Pejabat SUK Negeri Selangor dan telah berlangsung di Banket Dewan Jubli Perak Sultan Abdul Aziz,

Bangunan Sultan Salahuddin Abdul Aziz Shah, Shah Alam pada 30 Julai 2018 bermula jam 08.30 pagi hingga 1.00 petang. Yayasan Selangor melalui Bahagian Pembiayaan Pendidikan turut dijemput untuk membuka kaunter penerangan berkaitan produk pinjaman yang ditawarkan oleh Yayasan Selangor. Taklimat dan program tersebut turut disertai oleh anak-anak syarikat Negeri Selangor, kolej swasta dan kolej yang berdaftar di bawah kerajaan negeri. Melalui penglibatan Yayasan Selangor di dalam taklimat dan program tersebut, maklumat berkaitan pembiayaan pendidikan dapat dikongsi dan disampaikan kepada tetamu yang hadir.



BENGKEL PENGUKUHAN STRATEGI YAYASAN SELANGOR 2018



BENTONG, 23 - 25 Julai 2018, Seramai 22 orang Pengurusan dan kakitangan Yayasan Selangor telah mengikuti Bengkel Pengukuhan Strategi Yayasan Selangor 2018 yang dijalankan selama 3 hari 2 malam bertempat di Cherengin Hills Convention & Spa Resort, Pahang. Objektif bengkel tersebut diadakan adalah bertujuan untuk menjalankan sesi perbincangan dengan lebih terperinci mengenai strategi dan hala tuju Yayasan Selangor dalam proses penjenamaan semula organisasi. Hal ini adalah demi untuk meningkatkan kualiti perkhidmatan Yayasan Selangor ke arah yang lebih efisien sekaligus memberi impak yang positif demi meningkatkan imej organisasi.



KURSUS PENGUCAPAN AWAM



PETALING JAYA, 07 Mei 2018, Seramai 30 orang kakitangan Yayasan Selangor telah menyertai Kursus Pengucapan Awam yang dianjurkan oleh Unit Sumber Manusia dengan kerjasama Awaken Training Consultancy Sdn. Bhd bertempat di Dewan Tingkat 16, Menara Yayasan Selangor Petaling Jaya.

Keberkesanan dalam pengucapan awam adalah terletak kepada tiga perkara asas iaitu diri pengucap, bahan yang ingin diucapkan & teknik pengucapan. Oleh itu, bagi memastikan para pendengar tertarik dan terpengaruh dengan ucapan yang disampaikan, maka amat penting seseorang pengucap mempelajari teknik pengucapan awam yang berkesan.

LAWATAN ILMIAH KE GALERI DIRAJA SULTAN ABDUL AZIZ & ISTANA ALAM SHAH

KLANG, 24 Julai 2018 (Selasa), seramai 40 orang kakitangan Yayasan Selangor telah menyertai Lawatan Ilmiah Ke Galeri Diraja Sultan Abdul Aziz & Istana Alam Shah. Lawatan tersebut berjaya memberi pendedahan bermakna dan memberi peluang kepada kakitangan berkaitan aktiviti kebudayaan dan kesenian selain mengambil peluang mendalami sejarah serta ketamadunan negeri Selangor. Banyak lagi koleksi barang bersejarah yang tidak terkira nilainya disediakan untuk disaksikan oleh rakyat jelata.



BENGKEL TEKNIK MENJAWAB NCR MS ISO 9001 : 2015

PETALING JAYA, 28 Jun 2018, seramai 40 orang kakitangan Yayasan Selangor Yang terdiri daripada Wakil Pengurusan, Ketua Audit Dalaman, Ketua Dokumentasi, Ketua Pengurusan Risiko, Penolong Dokumentasi, Juru Audit Dalaman Yayasan Selangor dan wakil bahagian telah menghadiri Bengkel Teknik Menjawab NCR MS ISO 9001:2015 yang dianjurkan oleh Syarikat Perunding Inokreatif Q bertempat di Dewan Tingkat 16, Menara Yayasan Selangor Petaling Jaya.

Sejak dengan Sistem Pengurusan Kualiti (SPK) MS ISO 9001:2015, latihan dan pendedahan yang berkaitan dengan Sistem Pengurusan Kualiti (SPK) hendaklah dijalankan dari masa ke semasa bagi memastikan warga kerja bersedia dan mematuhi garis panduan yang ditetapkan oleh Sistem Pengurusan Kualiti (SPK).



KURSUS COLLECTING DIFFICULT ACCOUNTS

KLANG, 15 Ogos 2018, Seramai 30 orang kakitangan Yayasan Selangor telah menghadiri Kursus Collecting Difficult Accounts anjuran Unit Sumber Manusia kerjasama dengan Wanfah Prosper PLT bertempat di Dewan Tingkat 16, Menara Yayasan Selangor Petaling Jaya. Bagi memastikan Yayasan Selangor menjana pendapatan melalui penyewaan aset-aset & harta tanah, pelbagai risiko yang perlu dihadapi oleh kakitangan dalam memastikan pendapatan organisasi terus meningkat dari tahun ke tahun. Antara objektif kursus ini adalah membolehkan peserta memahami definisi Accounts Receivable (AR) yang terdapat di Balance Sheet (Statement of Financial Position). Selain itu, kursus ini turut mendedahkan kepada kakitangan kaedah kutipan melalui panggilan telefon atau lawatan peribadi serta mendedahkan kepada kakitangan bagaimana cara untuk memperolehi kembali pinjaman atau penyewaan dengan pelanggan yang kasar & tegar dalam membuat pembayaran.



KURSUS PEMANDUAN & MEKANIK BAS

Pada 2,3 & 4 Julai 2018 (Sesi I) dan 18 & 19 Julai 2018 (Sesi II), Seramai 5 orang pemandu daripada Asrama Yayasan Selangor Klang (AYSK) dan 2 orang Mekanik Yayasan Selangor daripada Bahagian Pentadbiran telah menghadiri Kursus Pemanduan & Mekanik Bas bertempat di Hino Motors Manufacturing, Sendayan dan Hino Motors Sales Sdn. Bhd, Petaling Jaya. Kursus ini adalah bertujuan untuk mempertingkatkan lagi prestasi kerja para tenaga kerja khususnya dalam pemanduan dan mekanik ke tahap yang lebih profesional dan berkualiti berasaskan perasaan ingin maju dan berjaya disamping meningkatkan kecemerlangan organisasi.



KURSUS AUDIT BERTAJUK 'GARIS PANDUAN PENGAUDITAN DAN PENULISAN LAPORAN AUDIT'

SHAH ALAM, 28 Mei 2018, Unit Audit Dalam bersama Unit Sumber Manusia telah menganjurkan kursus berkaitan program pengauditan bertajuk 'Garis Panduan Pengauditan dan Penulisan Laporan Audit pada 28 Mei 2018 bertempat di Bahagian Audit Dalam SUK, Pejabat Setiausaha Kerajaan Negeri Selangor, Shah Alam. Kursus tersebut melibatkan 8 peserta daripada Unit Audit Dalam, Unit Integriti, Unit Sumber Manusia dan Pengurusan Sistem Pengurusan Kualiti MS ISO 9001 : 2015 Yayasan Selangor. Penceramah jemputan adalah Puan Rosni Binti Razali, Ketua Audit Dalam SUK dan tujuan kursus adalah untuk memberi kefahaman kaedah pengauditan kepada pegawai audit di Yayasan Selangor.





PROGRAM CERAMAH KESEDARAN INTEGRITI YAYASAN SELANGOR BERTAJUK “TUMBUK RUSUK DUIT PANADOL” - PENGKISAHAN DARI TIRAI BESI

PETALING JAYA, 03 Ogos 2018, Unit Integriti telah mengambil inisiatif untuk menganjurkan Program Kesedaran Integriti Yayasan Selangor dengan ceramah yang bertajuk “**Tumbuk Rusuk Duit Panadol**” - Pengkisahan Dari Tirai Besi yang dijalankan bertempat di Dewan Tingkat 16, Menara Yayasan Selangor. Tujuan utama program ini diadakan adalah untuk meningkatkan kesedaran warga kerja Yayasan Selangor terhadap penghayatan etika dan penerapan nilai integriti di dalam pekerjaan merangkumi mengenali pasti elemen-elemen yang boleh memusnahkan nilai integriti dan seterusnya membantu organisasi membanteras sebarang bentuk amalan rasuah, penyelewengan serta salah guna kuasa dalam melaksanakan tugas.

Bagi merealisasikan usaha murni ini, Tuan Mohd Firdaus Bin Ramelan iaitu Pengurus dari Syarikat CJ Global Venture telah dijemput untuk menyampaikan ceramah berkenaan. Berbekalkan pengalaman sebagai seorang bekas majistret yang pernah terjebak sebagai pesalah rasuah dan seterusnya menjalani kehidupan sebagai seorang banduan serta bekas banduan telah menarik perhatian warga kerja Yayasan Selangor untuk mengetahui lebih lanjut tentang kepentingan mengamalkan budaya kerja berintegriti di dalam sesebuah organisasi mahupun di dalam kehidupan seharian. Pengisian selama dua jam berlandaskan pengkisahan sebenar yang dilalui sepanjang berada di sebalik tirai besi telah menerima maklumbalas positif dari warga kerja Yayasan Selangor berdasarkan sambutan kehadiran yang amat menggalakkan.



PROGRAM ‘JOM ZUMBA’ TAHUN 2018

PETALING JAYA, 03 Mei 2018, Program ‘**Jom Zumba**’ anjuran Persatuan Kebajikan Sukan & Kebudayaan Kakitangan Yayasan Selangor (PKSKKYS) telah diadakan pada 03 Mei 2018 (Khamis) di Dewan Tingkat 9, Menara Yayasan Selangor, Petaling Jaya. Program santai zumba selama 90 minit tanpa henti ini telah diadakan kali kedua selepas menerima sambutan hangat daripada ahli-ahli persatuan dengan tujuan meningkatkan tahap kesihatan dan prestasi diri disamping dapat memantapkan mental, jasmani dan rohani.

Selain itu, beriadah dengan suasana harmoni sesama ahli dapat mengeratkan hubungan silaturahim dan memberi peluang kepada ahli persatuan untuk mempelajari teknik-teknik senaman yang betul dalam mengamalkan gaya hidup sihat. Seramai 60 orang di kalangan warga kerja telah menyertai program ini yang dibimbing oleh Guru Tari Zumba, Cik Zin Nanie dari Zumba Fitnes My Own Bizz.



ACTIVITIES

- ▶ ABSEILING
- ▶ CAMPING
- ▶ COBWEB
- ▶ FLYING FOX
- ▶ INITIATIVE GAMES
- ▶ JUNGLE TREKING
- ▶ KAYAKING
- ▶ OBSTACLES
- ▶ RIVER CROSSING
- ▶ TEM BUILDING ACTIVITIES
- ▶ WATER RAFTING
- ▶ 6" & 12" WALL

FACILITIES

- ▶ MEETING ROOM (20 paxs)
- ▶ 5 FAMILY CHALET (30 paxs)
- ▶ 10 CABIN CHALET (40 paxs)
- ▶ 24 DORM (800 paxs)
- ▶ MAIN HALL (500 paxs)
- ▶ OPEN HALL PLKN (1500 paxs)
- ▶ CANTEEN (300 paxs)
- ▶ MOSQUE (500 paxs)
- ▶ MARCHING FIELD (1000 paxs)

---- *where nature comes alive !!*

Kem Bina Semangat,
Jalan Ampang Pechah,
44000 Kuala Kubu Bharu,
Selangor Darul Ehsan

Tel : +603 - 6064 3030
Fax : +603 - 6064 2701
Email : kembinasemangatys@yahoo.com

www.kembinasemangat.com



A collage of five images in the center of the page. From left to right: a traditional red-roofed house; a modern apartment complex with a swimming pool surrounded by palm trees; a modern office building; and a street view of buildings under a clear blue sky.

**MANY MORE !!
ON OUR WEBSITE !**

**YAYASAN SELANGOR
FOR RENT
/SALE PROPERTY**

www.yayasanselangor.org.my

- PETALING JAYA •
- KAMPUNG BARU •
- DANA ONE KELANA JAYA •
- TEMPLER IMPIAN APARTMENTS PTGC •
- TEMPLER IMPIAN SEMI DETACHED PTGC •

For any enquires you can contact us at:
03 - 7669 1235 / 234



harta
YAYASAN SELANGOR